



Broj: 01-04-200-6/21

Fojnica: 18.02.2021. godine

Na osnovu člana 2.2. i 2.12. Izbornog zakona Bosne i Hercegovine („Službeni glasnik Bosne i Hercegovine“, broj: 23/01, 7/02, 9/02, 20/2, 25/02, 4/04, 20/04, 25/04, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 17/14 i 31/16), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini - Prečišćeni tekst („Službeni glasnik Bosne i Hercegovine“, broj: 29/18) i člana 1. Odluke o objavljivanju Javnog oglasa za imenovanje dva člana Općinske izborne komisije Fojnica, Općinsko vijeće Fojnica objavljuje

JAVNI OGLAS

za imenovanje dva člana Općinske izborne komisije Fojnica

I.

Objavljuje se Javni oglas za imenovanje dva člana Općinske izborne komisije Fojnica. Člana Općinske izborne komisije Fojnica imenuje Općinsko vijeće Fojnica, uz saglasnost Centralne izborne komisije Bosne i Hercegovine, na period od 7 (sedam) godina, koji traje od dana dobivanja saglasnosti.

Kandidat za člana Općinske izborne komisije mora ispunjavati slijedeće opće uslove:

1. Član Općinske izborne komisije je lice sa pravom glasa;
2. Član Općinske izborne komisije je lice sa odgovarajućom stručnom spremom i iskustvom u provođenju izbora.

II.

(1) Pored općih uslova iz tačke I. ovog oglasa, lice koje je kandidat za člana Općinske izborne komisije mora ispunjavati sljedeće posebne uslove:

- a) da ima prebivalište na području Općine Fojnica;
- b) da ima završen fakultet VII/1 stepen stručne spreme ili završen fakultet Bolonjskog sistema studiranja sa najmanje 180 ETCS i
- c) da posjeduje iskustvo u provođenju izbora.

(2) Pod iskustvom u provođenju izbora podrazumijeva se:

- članstvo u izbornoj komisiji i
- članstvo u biračkom odboru na izborima obuhvaćenim Izbornim zakonom BiH.

(3) Izuzetno od odredbi tačke II. (1) a), član izborne komisije može biti lice sa prebivalištem iz druge općine, ukoliko nema kandidata, sa prebivalištem u općini za koju se imenuje izborna komisija, koji ispunjavaju uslove tražene javnim oglasom.

(4) Izuzetno od odredbi tačke II. (1) c) član izborne komisije može biti lice koje ima VII/1 stepen stručne spreme, završen pravni fakultet, odnosno završen pravni fakultet Bolonjskog sistema studiranja s najmanje 180 ETCS, bez izbornog iskustva propisanog tačkom II. stav (2).

III.

(1) Sastav Općinske izborne komisije treba biti multietničan tako da odražava zastupljenost konstitutivnih naroda, uključujući i ostale vodeći računa o posljednjem popisu stanovništva provedenom na državnom nivou.

(2) U sastavu Izborne komisije nastojat će se obezbijediti zastupljenost spolova u skladu sa Zakonom o ravnopravnosti spolova BiH.

IV.

Za člana Općinske izborne komisije, po članu 2.3. Izbornog zakona, ne može biti imenovano lice:

1. koje se ne može kandidirati u smislu odredbi člana 1.6, 1.7, i 1.7a Izbornog zakona BiH;
2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora glavnog odbora);
3. koje je nositelj izabranog mandata ili je član izvršnog organa, osim u slučajevima predviđenim članom 2.12. stav (4) Izbornog zakona BiH;
4. koje je kandidat za izbore za bilo koju razinu vlasti;
5. kojem je izrečena kazna za radnju koja predstavlja težu povredu izbornih zakona ili propisa za koju je lično odgovorna, u posljednje četiri godine, računajući od dana pravosnažnosti odluke.

Za člana Općinske izborne komisije po članu 2.12. tačka (7) Izbornog zakona ne može biti imenovano lice koja je zastupnik, odnosno punomoćnik političkog subjekta koji sudjeluje na izborima, niti lice koje je pravomoćnom sudskom presudom osuđena na kaznu zatvora u trajanju od šest mjeseci ili duže.

V.

Uz popunjenu prijavu na javni oglas (koja se nalazi u prilogu ovog javnog oglasa) potrebno je dostaviti sljedeću dokumentaciju (original ili ovjerene kopije):

1. kraću biografiju;
2. ovjerenu diplomu o stečenoj stručnoj spremi kandidata;
3. dokaz o posjedovanju iskustva kandidata u provođenju izbora;
4. uvjerenje o prebivalištu izdano od strane nadležnog organa, ne starije od tri mjeseca;
5. svojeručno potpisanu i od nadležnog organa ovjerenu izjavu o nepostojanju smetnji iz tačke IV. stav 1. ovog javnog oglasa (član 2.3 Izbornog zakona BiH);
6. izjavu o nacionalnom izjašnjavaanju kandidata - imenovanog člana izborne komisije sa posljednjeg popisa stanovništva u BiH, svojeručno potpisanu i ovjerenu od nadležnog organa;
7. svojeručno potpisanu i od nadležnog organa ovjerenu izjavu o nepostojanju smetnji iz tačke IV. stav 2. ovog javnog oglasa (član 2.12 stav (7) Izbornog zakona BiH).

VI.

Ovaj javni oglas će biti objavljen u dnevnim novinama „Oslobodenje“, na web stanici Općine Fojnica www.fojnica.ba i oglasnoj tabli Općine Fojnica.

Rok za podnošenje prijave je 8 dana od dana objave u dnevnim novinama „Oslobodenje“.

Prijave na Javni oglas dostaviti preporučeno poštom ili na protokol Općine Fojnica, u zatvorenoj koverti sa naznakom:

„Javni oglas za imenovanje dva člana Općinske izborne komisije Fojnica – ne otvaraj“
na sljedeću adresu: **Općina Fojnica**

Komisija za izbor i imenovanje Općinskog vijeća Fojnica,
Ulica Bosanska broj 94, 71270 Fojnica

Nepotpune i neblagovremene prijave neće biti uzete u razmatranje.

Proceduru izbora kandidata propisanu Uputstvom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini provest će Komisija za izbor i imenovanje Općinskog vijeća Fojnica.

PREDSJEDNICA
OPĆINSKOG VIJEĆA FOJNICA

Vanja O. Jukić
Vanja Oroz Jukić, dipl. log i surd.

(Ime i prezime kandidata)

(adresa stanovanja)

OPĆINA FOJNICA

Komisija za izbor i imenovanje Općinskog vijeća Fojnica

Ulica Bosanska 94,

71270 Fojnica

PREDMET: Prijava na Javni oglas za imenovanje dva člana Općinske izborne komisije
Fojnica

U ostavljenom roku prijavljujem se na Javni oglas za imenovanje dva člana Općinske izborne komisije općine Fojnica, objavljen u _____, dana _____ 2021. godine, i o sebi dajem slijedeće podatke: rođen-a _____ godine u _____, općina _____, sa završenim stepenom stručne spreme _____, zanimanje _____, trenutno zaposlen-a u _____ na radnom mjestu _____.

Prilog:

1. _____,
2. _____,
3. _____,
4. _____,
5. _____,
6. _____,
7. _____.

U Fojnici, _____ godine.

Podnosilac prijave
